



Jadual Pembacaan Khutbah Jumaat

Siri 7/ 2023 (Bulan **JULAI** Tahun 2023)

Tarikh	Tajuk	Bil
7 Julai 2023M/ 18 Zulhijjah 1444H	Khutbah AADK: Dadah Dijauhi, Negara Harmoni	1.
14 Julai 2023M/ 25 Zulhijjah 1444H	Sempena Awal Muharram: Hijrah Nabi	2.
21 Julai 2023M/ 3 Muharram 1445H	Istighfar: Penyuci Diri	3.
28 Julai 2023M/ 10 Muharram 1445H	Isteri Amanah Suami, Usah Khianati	4.
Khutbah Kedua		

دبیایاء:



زكاة فولاو فینغ

دتریتکن:



جابتن حال إحوال اکام اسلام فولاو فینغ

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Sempena Awal Muharram: Hijrah Nabi

14 Julai 2023M/ 25 Zulhijjah 1444H

إِنَّ الْحَمْدَ لِلَّهِ نَحْمَدُهُ وَنُسْتَعِينُهُ وَنَسْتَغْفِرُهُ وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ وَمَنْ يَضِلَّهُ فَلَا هَادِيَ لَهُ.

وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ عَلَى مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُ إِلَى يَوْمِ الدِّينِ.

يَا أَيُّهَا النَّاسُ أَوْصِيكُمْ وَآيَايَ بِتَقْوَى اللَّهِ فَقَدْ فَازَ الْمُتَّقُونَ.

قَالَ تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ ﴿١٠٢﴾

SIDANG JUMAAT YANG DIRAHMATI ALLAH,

Mimbar sekali lagi ingin mengajak dan menyeru para jemaah sekalian untuk sama-sama meningkatkan indeks ketakwaan dengan bermujahadah menunaikan segala titah perintah Allah, meninggalkan larangan-Nya serta menjauhkan diri dari apa yang boleh mencetuskan murka Allah. Takwa itu bagaikan berjalan di atas jalanan berduri, langkahannya yang sangat berhati-hati.

Sebelum bicara dilanjutkan, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi kandungannya. Ini termasuklah perbuatan berbual-bual, tidur dengan sengaja, bermain telefon bimbit dan



menggerakkan tabung masjid. Mimbar pada hari ini akan membicarakan khutbah bertajuk: “**Hjrah Nabi.**”

SIDANG JUMAAT RAHIMAKUMULLAH,

Apakah yang terlintas di minda sidang hadirin sekalian bila disebut tentang wasiat? Saya yakin dan pasti semua akan seia sekata membayangkan tentang peninggalan, pesanan harta si mati kepada waris dan seumpamanya. Namun, apa yang menjadi fokus khatib untuk dikupas secara tuntas ini ialah apakah sebenarnya azimat, pesanan dan amanah yang ditinggalkan oleh baginda Nabi sekitar 1,400 tahun yang lalu buat kita selaku umat dalam meredah arus kehidupan yang penuh berliku. Umpama seorang ayah yang berada di hujung nyawa, pasti ia akan menatap wajah anak-anak yang akan ditinggalkan dengan hati yang penuh sayu dan dahi yang berkerut seribu. Getar bibir Baginda bagaikan terasa ketika bersabda:

تَرَكْتُ فِيكُمْ أَمْرَيْنِ، لَنْ تَضِلُّوا مَا تَمَسَّكْتُمْ بِهِمَا: كِتَابَ اللَّهِ، وَسُنَّةَ نَبِيِّهِ

Maksudnya: “*Aku tinggalkan kepada kamu dua perkara dan kamu tidak akan sesat selagi mana kamu berpegang dengannya iaitu Kitabullah (Al-Quran) dan Sunnah Nabi-Nya.*”

﴿Hadis Riwayat Imam Malik﴾

SIDANG HADIRIN YANG DIRAHMATI ALLAH,

Bayangkan apakah yang akan terjadi andainya rumah tidak beribu dan ayah? Bagaimana pula jika sekolah yang tiada gurunya? Pasti segala-galanya pincang dan berantakan. Hilang arah dan tujuan. Begitulah perumpamaan bumi ini pernah ketandusan dan kegersangan

cahaya petunjuk setelah 537 tahun lamanya Nabi Isa diangkat ke langit pada tahun 33 Masihi.

As Sirah An Nabawiyyah (السيرة النبوية) merekodkan, Baginda dilahirkan ketika umat berada di dalam jahiliyah yang nyata, kerosakan kian melata, kemungkaran bermaharajalela, dan penyembahan berhala tersebar di sini sana sehingga mencecah 360 jumlahnya di sekitar kaabah sahaja.

Justeru, kelahiran Nabi umpama penyelamat pembawa obor cahaya merubah seluruh landskap dunia, menyebarkan Islam ke serata benua, mengubah insan dari hina kepada mulia. Bila munajat doa Nabi Ibrahim عَلَيْهِ السَّلَام menggegarkan cakerawala dan akhirnya lahirlah seorang Rasul yang mulia sebagaimana firman Allah سُبْحَانَهُ وَتَعَالَى dalam surah Al-Baqarah ayat 129:

رَبَّنَا وَابْعَثْ فِيهِمْ رَسُولًا مِّنْهُمْ يَتْلُو عَلَيْهِمْ آيَاتِكَ وَيُعَلِّمُهُمُ الْكِتَابَ وَالْحِكْمَةَ
وَيُزَكِّيهِمْ إِنَّكَ أَنْتَ الْعَزِيزُ الْحَكِيمُ ﴿١٢٩﴾

Maksudnya: “Wahai Tuhan kami! Utuslah kepada mereka seorang Rasul dari kalangan mereka sendiri, yang akan membacakan kepada mereka ayat-ayat dan mengajarkan mereka isi kandungan kitab (Al-Quran) serta hikmah kebijaksanaan dan membersihkan (hati dan jiwa) mereka (dari syirik dan maksiat). Sesungguhnya Engkau-lah yang Maha Kuasa, lagi Maha Bijaksana.”

SIDANG MUKMININ RAHIMAKUMULLAH,

Kelahiran Rasulullah ﷺ membawa agenda besar iaitu meluruskan kepercayaan masyarakat Arab Quraisy ketika itu daripada penyembahan berhala, Taghut dan Tuhan selain dari Allah ﷻ di bumi Mekah. Seluruh keringat dan kudrat Baginda dipertaruhkan demi membebaskan umat dari kesyirikan dan kekufuran.

Namun, setelah 53 tahun lamanya Baginda mengabdikan diri di tanah tumpah darah kelahiran Baginda, keadaan tidak menunjukkan tanda-tanda masyarakat Quraisy menyahut dakwah dan menyambut hidayah. Sebaliknya, Baginda diperlakukan penuh hina. Dicaci dikeji tanpa belas, dikasari tubuhnya hingga berdarah di kaki. Apa dosa Nabi pada bangsanya? Apa kurangnya layanan Nabi pada umatnya hingga diperlakukan sedemikian rupa? Firman Allah ﷻ di dalam surah An-Nisa' ayat 100:

وَمَنْ يُهَاجِرْ فِي سَبِيلِ اللَّهِ يَجِدْ فِي الْأَرْضِ مُرَاعِمًا كَثِيرًا وَسَعَةً وَمَنْ يَخْرُجْ مِنْ بَيْتِهِ
مُهَاجِرًا إِلَى اللَّهِ وَرَسُولِهِ ثُمَّ يُدْرِكُهُ الْمَوْتُ فَقَدْ وَقَعَ أَجْرُهُ عَلَى اللَّهِ وَكَانَ اللَّهُ غَفُورًا

رَّحِيمًا ﴿١٠٠﴾

Maksudnya: “Dan sesiapa yang berhijrah pada jalan Allah (untuk membela dan menegakkan Islam), nescaya ia akan dapati di muka bumi ini tempat berhijrah yang banyak dan rezeki yang makmur, dan sesiapa yang keluar dari rumahnya dengan tujuan berhijrah kepada Allah dan Rasul-Nya, kemudian ia mati (dalam perjalanan), maka sesungguhnya telah tetap pahala hijrahnya di sisi Allah. Dan (ingatlah) Allah amat pengampun, lagi amat mengasihani.”

Maka, bertitik tolak dari situlah Allah telah menzahirkan limpahan kasih buat kekasih-Nya yang sedang hiba dan luka menanggung derita dengan mewahyukan agar Baginda memulakan langkah hijrah.

Dari Mekah berkelana bertemankan sahabat setia Saidina Abu Bakar as-Siddiq dan unta-Nya, al-Qaswa' menuju ke Yathrib demi membawa sinar agama biarpun hampir terputus nyawanya. Jika di Mekah Baginda dihipit oleh tekanan dan sekatan, namun ketibaan hijrah di Madinah, raut wajah Baginda terukir senyum bahagia saat disambut oleh penduduk Madinah penuh kasih sayang dan keterbukaan. Sungguh benar janji Allah, jika kamu pernah merasa sempit, hijrahlah ke tempat yang lebih baik untuk kamu merasai keluasan rezeki yang dijanjikan-Nya. Firman Allah **سُبْحَانَهُ وَتَعَالَى** di dalam surah At-Taubah ayat 20:

الَّذِينَ ءَامَنُوا وَهَاجَرُوا وَجَاهَدُوا فِي سَبِيلِ اللَّهِ بِأَمْوَالِهِمْ وَأَنْفُسِهِمْ أَكْثَرُ دَرَجَةً عِنْدَ اللَّهِ وَأُولَٰئِكَ
هُمْ الْفَائِزُونَ ﴿٢٠﴾

Maksudnya: “(Sesungguhnya) orang-orang yang beriman dan berhijrah serta berjihad pada jalan Allah dengan harta benda dan jiwa mereka adalah lebih besar dan tinggi darjatnya di sisi Allah, dan mereka itulah orang-orang yang berjaya.”

DUHAI UMAT NABI YANG DICINTAI OLEH RASULNYA,

Hijrah Nabi telah menyatukan antara kaum Muhajirin dan Ansar. Bahkan dua qabilah yang berseteru telah dipertemukan menjadi umat yang satu. Islam mengajar biarlah manusia berbeza namun janganlah bersengketa.

Di bawah payung nubuwwah, bumi Yathrib menjadi negara berdaulat yang bernama Madinah. Jaringan ukhuwah dibina, ditutup pintu fitnah dalam berbalah. Islam menjadi gah bila umat bersatu bukan berpecah. Bak kata pepatah, *“Hati gajah sama dilapah, hati kuman sama dicecah.”*

Justeru, bersempena dengan semangat *hijratur Rasul* dan awal Muharram ini, ayuh kita terokai titik persamaan dan jauhi jurang perbezaan.

SIDANG JEMAAH YANG DIMULIAKAN ALLAH,

Mengakhiri khutbah, ayuh kita renungi beberapa pengajaran yang dapat diambil bersama:

Pertama: Jadikan Al-Quran sebagai suluhan dalam kehidupan.

Kedua: Carilah jalan untuk melebarluas persamaan, bukan meninggikan tembok perbezaan. Jadikan dunia sebagai pentas dakwah bukan gelanggang bertelagah.

Ketiga: Hayatilah segala ajaran Islam supaya kesannya benar-benar dapat dihadirkan dalam kehidupan.

Keempat: Hidupkan Islam mu, nescaya kita akan benar-benar merasa Islam itu hidup.

Firman Allah **سُبْحَانَهُ وَتَعَالَى** dalam surah Al-Ahzab ayat 21:

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِّمَن كَانَ يَرْجُوا اللَّهَ وَالْيَوْمَ الْآخِرَ وَذَكَرَ اللَّهَ

كثِيرًا ﴿٦﴾

Maksudnya: “Demi sesungguhnya adalah bagi kamu pada diri Rasulullah itu contoh ikutan yang baik, iaitu bagi orang yang sentiasa mengharap (keredaaan) Allah dan (balasan baik) hari akhirat, serta ia pula menyebut dan memperingati Allah banyak-banyak (dalam masa susah dan senang).”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهِدْيِ سَيِّدِ الْمُرْسَلِينَ، أَقُولُ
مَا سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ،
إِنَّهُ هُوَ الْغَفُورُ الرَّحِيمُ.



Khutbah Kedua Bulan Julai

2023M/ 1444/14445H

(Bagi bacaan pada 14 Julai 2023)

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ
وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا
حَكِيمًا: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا

تَسْلِيمًا ﴿٥٦﴾ [الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نَبِيِّ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ
إِلَى يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

Di kesempatan ini, mimbar ingin menarik perhatian jemaah sekalian berkaitan institusi perbankan Islam di Malaysia. Sehingga kini terdapat 26 buah institusi dan salah satunya adalah Bank Islam Malaysia Berhad (Bank Islam) yang kini telah mencapai usia 40 tahun sejak penubuhannya pada 1 Julai 1983.



Oleh itu, mimbar ingin menyeru para jemaah sekalian untuk kita sama-sama mensyukuri nikmat pencapaian ini kerana ia merupakan titik kepada pembangunan institusi perbankan dan kewangan Islam di negara kita.

Selain itu, kita juga diperintahkan untuk berusaha memastikan segala aspek kehidupan adalah mengikut landasan agama termasuklah urusan kewangan yang bebas daripada unsur-unsur riba, sama ada dalam bentuk simpanan, pelaburan atau hutang-piutang. Firman Allah dalam Surah al-Baqarah ayat 278 yang bermaksud:

“Wahai orang-orang yang beriman! Bertaqwalah kamu kepada Allah dan tinggalkanlah (jangan menuntut lagi) saki-baki riba (yang masih ada pada orang yang berhutang) itu, jika benar kamu orang-orang yang beriman.”

Marilah kita bersama-sama mencari keredhaan Allah dengan mengamalkan kehidupan yang memenuhi Syariah secara menyeluruh demi kesejahteraan hidup di dunia dan akhirat.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni



Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالرَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ،
وَأَشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٥﴾